

BAHEBERE, TEMA YA BOBEDI ²

¶ ...tla pele, le go ithuta Mangwalo, gore a kgone go e bapetša le go ka bona ge eba e be e le Therešo goba aowa. O e tšere, Therešo, ka Testamente ya Kgale. Bjale, Paulo o be a le serutegi sa Testamente ya Kgale. Ke ba bakae ba tsebago seo? [Phuthego e re, "Amene."—Mor.] O be a rutilwe ka tlase ga dirutegi tše kaonekaone tša letšatši la gagwe, Gamaliele, serutegi se itlhaotšego. Gomme Paulo o tsebile Testamente ya Kgale. Gomme ke nagana go šikinyega ga gagwe ga mathomo, bjalo ka ge ke boletše mosong wo, ge a hlatseditše lehu la Stefano. Se sengwe se swanetše go be se swere Paulo, gobane gohle go kgabola mengwalo ya gagwe o tšwetšepele a bolela ka yona, "Ga ke na maswanedi, gobane ke hlomere Kereke go iša lehung. Ke nna yo monnyane kudu magareng ga bona."

⁹⁵ Oo, eupša Modimo o bile le kgopolo ya go fapanwa ka yona. O be a le yo mongwe wa barna ba maatla kudu ba letšatši.

Bonang Mokgethwa Paulo, moapostola yo mogolo
Ka kobo ya gagwe e tagile le bobotse, (moreti o boletše)
Oo, ka kgontha go tla ba go goeletša go rilego
Ge bohole re kopana Fale.

Letšatši lela le legolo ge ke mmona a amogela mphaphahlogo wa mohwelatumelo, mophutso wa mohwelatumelo!

⁹⁶ Ke eme hleng le kgolego ye nnyane ya kgale, fa e se kgale kudu, moo a ngwaletšego Mangwalo. Gomme morago ba kgaotše hlogo ya gagwe. Gomme ba mo kitela ka go kelelatšila, go hlatswa kelelatšila. Gomme Mojuda yo monnyane yo fale, o rile, "Mmeleng wa ka ke rwele mabadi a Jesu Kriste. Ke lwele le dibata ka Efeso, eupša ke lwele ntwa ye botse. Ke feditše leeto. Ke bolokile Tumelo. Gomme gotlogabjale, ke beetšwe mphaphahlogo wa toko, woo Morena, Moahlodi wa go loka, a tla mphago Letšatšing leo. Gomme e sego nna ke nnoši, eupša bohole ba ba ratago go bonala ga Gagwe." Ke rata seo bjang! Oo, ke nyaka go balwa le bale! Re be re fela re opela pina:

Oo, a o tla balwa bjalo ka yo mongwe wa lešaka la Gagwe?
A o tla balwa bjalo ka yo mongwe wa lešaka la Gagwe?
Hloka sepatso bokagare, eba o šeditše le go leta go bona ponagalo yela;
O tla gape.

⁹⁷ Ke nyaka go ba yo mongwe wa bona. Bjale mongwadi o ya pele, a re:

Kagona re swanetše go fa . . . šedi ye kgolo go dilo tše re di kwelelego, gore le ka nako efe di se ke tša re phonyokga.

- ⁹⁸ Bjalo ka ge re rutile go yeo, mosong wo, temana ya 2 e amana le, “Ge . . .”

Ka gore ge lentšu le boletšwego ke barongwa . . .

- ⁹⁹ Re hweditše *barongwa* go ba eng? Baprofeta. “Modimo o boletše nakong ya kgale . . .” Bjale, o swanetše go dira, e sego kgopolu ya rena beng, eupša Beibele. Bjale tema ya 1, ya . . . tema ya 1, temana ya 1.

Modimo, yo nakong ya kgale . . . ka mekgwa ye mentši o boletše . . . le botate ka baprofeta,

- ¹⁰⁰ Bjale o ya godimo fa, le go bolela gape.

Ka gore ge lentšu le boletšwego ke barongwa le be le title, . . .

Gomme *morongwa* go ra eng? “Motseta.” Ge Modimo a tloditše motseta . . . Gomme gona ge eba re tloditšwe, re batseta ba Modimo. Re batseta go lefase, moemedi wa Legodimo, re ipolela gore re baeti le ba šele. Ga re ba lefase le. Eupša re nyaka Toropokgolo go tla, ye Moagi le Modiri wa yona e lego Modimo. Ga re bee mahumo go lefase le, moo mahodu a thubago, le tshwele, kgwara, le tshenyu. Ka gore, mahumo a rena a dutše ka Legodimong, moo Jesu a dutšego ka seatleng sa setona sa Borena. Oo, a selo sa letago le go kgahliša, go tseba gore:

Dikholofelo tša rena ga se di agwe go selo
bonnyane

Go feta madi a Jesu le toko;
Ge tšohle go dikologa soulo ya ka di tšitlana,
Gona Ke kholofelo yohle ya ka le go dula.

Go Kriste, Leswika la go tia, ke a ema;
Mafelo ohle a mangwe ke kwenamohlaba,
Mafelo ohle a mangwe ke kwenamohlaba.

- ¹⁰¹ Ka fao Eddie Perronet a ngwadilego pina yela, mo nakong ya ditlhomaro!

Bjale, *ge lentšu le boletšwego ke barongwa le be le title, . . .* (Ge motseta wa Modimo a boletše Lentšu, Le eme.) . . . gomme moputso wo mongwe le wo mongwe o amogetše *moputso wa maleba*;

Re ka phonyokga bjaj, ge re sa kwe Kriste, Yo a bolelago go tšwa Legodimong?

Bjale šetšang.

Re tla phonyokga bjaj, ge re hlokomologa phološo ye kgolo bjalo; . . . (Naganang ka yona.) . . . ye mo mathomong e thomilego go bolelwa ke Morena, . . .

- ¹⁰² Kriste o thoma modiro wa Gagwe. O dirile eng? Re a Mo šetša, ka fao A . . . wa go kokobela, wa boipoetšo, ka fao A bego a

se motho yo mogolo wa go tsebega bjalo ka moithutamodimo. Eupša O be a le wa go kokobela, yo boleta, yo bonolo. O be a se moreri yo maatla. Segalontšu sa Gagwe se be se sa kwale mokgotheng.

Eupša Johane o ile pele bjalo ka tau ye e rorago. O be a le moreri.

¹⁰³ Jesu o tšweletše, a se bjalo ka tau ye e rorago, eupša Modimo a šoma ka Yena, a tiišetša Lentšu. Modimo o be a ne Kriste. Petro o rile, ka Letšatši la Pentecost, “Lena banna ba Israele, le lena baagi ba Judea . . . Jesu wa Natsaretha, Monna yo a netefaditšwego ke Modimo magareng ga lena, ka maswao le matete le mehlolo, ye Modimo a e dirilego ka Yena, magareng ga lena bohole, ye lena bohole le lego dihlatse.” Šetšang ka mo a e pinyededitšego tlase go bona. “Le ka be le Mo tsebile.”

¹⁰⁴ Jesu o rile, “Lena baikaketši.” O rile, “Le ya ntłe gomme le lebelela letšatši, gomme lena . . . Le hwibitše le go lepelela, le re, ‘Go ya go ba boso bjo bobe.’ Gomme ge go tagile le go hlaba, goba go ya pele, le re, ‘Go ya go ba boso bjo bobotse.’” O rile, “Le kgona go hlatha lefaufau, eupša maswao a nako, ga le kgone go a hlatha. Ka gore ge le ka be le Ntsebile, le ka be le tsebile letšatši la Ka.”

¹⁰⁵ Oo, ke se A ka se goelelago bošegong bjo. Ka fao Moya wa Gagwe o goelelago ka bareri ba Gagwe, “Iri e batametše!”

Re a hlatha. Re šetša dipomo tša athomo. Re tseba ke mang a yago go tše legato la Clark Gable, le mang a yago go dira *se, seo*, goba *se sengwe*; goba ke mang a tla bago motlatšamopresidente. Re ne kgahlego ka go seo, eupša ga re kgone go hlatha maswao a nako. Re bofelong.

¹⁰⁶ Ke eng? Re ne kgahlego kudu ka go, “Tema ya go latela ya thelebišene ke efe? Susie o ya go dira eng?” goba leina la mosadi yola ke lefe. “Gomme Arthur Godfrey o ya go ya kae? Ke mohuta ofe wa motlae a yago go a bolela nako ya go latela?” Rena, bjalo ka Bakriste, re kitela monagano wa rena go tlala ka matšila a mabjalo, mola re swanetše go ba re le thapeleng felotsoko, le go ithuta Beibele, go tseba maswao a nako ye re phelago ka go yona.

¹⁰⁷ Seo se dira eng, nako ye ntši, ke diphuluphithi tša go fokola, yeo ke nnete, tše di sa fihlego fase le go tliša Therešo ya Ebangedi. Re ya go swanelo go arabela seo mo matšatsing a a tlago. Ga ra swanelo go hlokomologa e ka ba eng. Gomme batho, bjalo ka ge re le fa ka Tabarenekeleng ya Branham ye, go bona maswao le matete, le maatla a Kriste yo a tsogilego; gomme ka gona le go tseba gore re ka bea dinako tša rena—tša rena godimo ga dilo tše dingwe, gomme ra hlokomologa go kwa Segalontšu sa Morena Jesu, “Re ka phonyokga bjang, ge re hlokomologa phološo e kgolo bjalo?”

¹⁰⁸ Temana ya 3, goba temana ya 4. Fa ke moo re emego, go temana ya 4, mosong wo.

Modimo gape a ba hlatsela, . . . (Oo, nna!)

Modimo . . . a ba hlatsela, . . .

Theetšang Lentšu.

. . . bobedi ka maswao . . . matete, le mehlolo ya go fapanā, . . .

Mehlolo ya *go fapanā* ke eng? Go *fapanā* ke eng? Go *fapanā* go ra “bontši.” “Ka mehlolo *ye mentši*, Modimo o *hlatseditše*.” O Modimo! Ke tshepa gore O tla nwelela ka dipelong tša lena. Theetšang.

¹⁰⁹ Ke yo mongwe wa badiša ba lena, le Ngwanešu Neville fa. Ke le nyaka le O tšeeli go rekoto. Beibele e rile, “Ge go ka tsoga yo mongwe magareng ga lena, gomme a bolela se *sebjalobjalo*, gomme sa se phethagale, le se se kwe, gobane ga se Ke bolele. Eupša ge a bolela mo Leineng la Ka, gomme se a se bolelago sa phethega, gona le Se kwe.” Amene. “Ka gore Ke ne moprofeta yoo, goba moreri, e ka ba eng e ka bago. Ge se a se bolelago se phethega, gona mo kweng.”

¹¹⁰ Bjale, bagwera, a re Mo kweng, Moya wo Mokgethwa o bolela magareng ga rena, a bontšha mehlolo ya go fapanā, le maswao, le matete. A re se nong go O feta ka godimo feela bjalo ka ditiragalo tša setlwaedi. A re elelweng gore Ke Jesu Kriste, wa go swana maabane, lehono, le neng le neng; a tiišetša Lentšu la Gagwe. Re swanetše go e dira. Oo, hle e direng. Hlokomelang. Anke selo se sengwe le se sengwe gape se be sa bobedi, ebole le legae la gago, monnamogatša wa gago, mosadimogatša wa gago, bana ba gago. E ka ba eng e ka bago, e bee sa bobedi. Bea Modimo pele. O re, “Ngwanešu Branham, godimo ga bana ba ka?” Godimo ga e ka ba eng. Bea Modimo pele. Anke A be pele.

¹¹¹ Eliya o theogile thabeng, letšatši le lengwe. O be a le morongwa, motseta, motseta wa Modimo, a tloditšwe. Gomme o hweditše mosadi wa mohlolologadi a topelela dikotana tše pedi. O rile, “Sepela, mpakele senkgwa se sennyane, gomme o nkgele meetse a mannyane.”

¹¹² Gomme o rile, “Bjalo ka ge soulo ya gago e phela, ke ne eupša feela dinkgwa tša go lekanelo, goba hlama ya korong ya go lekanelo, go dira panekuku e tee e nnyane. Gomme ke no ba le oli ya go lekanelo go ya ka go yona, go e hlakanya, bakeng sa go kopanafatša. Gomme ke topa dikotana tše pedi.” Tsela ya fešene ya kgale e be e le, ke tsela ya Seindia, ya go phekaganya dikotana le go di tšhuma go tloga bogareng, le go fela o e bešeletša. Ke dirile mollo wa kampa wo montši ka yona. O rile, “Gomme ke ya go apea senkgwa sela se sennyane bakeng sa ka le mošemane wa ka, lesea la ka. Gomme re ya go se ja gomme re hwe.” Go be go bile le komelelo lebaka la mengwaga ye meraro le dikgwedi tše tshela, go se meetse felo.

¹¹³ Yola wa go tia, moprofeta wa kgale, o lebeletše mosadi yola sefahlegong. O rile, “Sepela, mpakele senkgwa pele.” A taelo, go monna go botša mosadi wa mohlologadi, a ehwa ka tlala, go mo fepa pele. O rileng? “Ka gore O RIALO MORENA, serotwana se ka se tsoge sa fela, ga išita le legapa le ka se gope, go fihlela Modimo a romela pula lefaseng.”

Pele, Modimo. O ile ka gare gomme o pakile senkgwa sela se sennyane, gomme a tla o se file moprofeta. O ile morago thwi gomme o pakile se sengwe, le se sengwe, le se sengwe, le se sengwe. Gomme seroto ga sa nke sa ke sa fela, goba legapa la gopa, go fihlela Modimo a rometše pula lefaseng. O beile Modimo pele ga bana ba gagwe. O beile Modimo pele ga e ka ba eng gape. O tšere Mmušo wa Modimo, pele.

¹¹⁴ Modimo o swanetše a be le lefelo la pele ka pelong ya gago, lefelo la pele ka bophelong bja gago, lefelo la pele ka go se sengwe le se sengwe seo o se dirago goba se o lego. Modimo o swanetše go ba wa pele. Ga A nyake lefelo la bobedi. Ga A swanelwa ke lefelo la bobedi. O swanetše ke tše kaonekaone, le sa pele, le tšohle tše re nago tšona. Go a Mo swanela. Leina la Gagwe le lekgethwa a le šegofatšwe!

Ka gore Modimo gape a ruala... bohlatse, o file bopaki, bobedi ka maswao le matete,... le mehlolo ya go fapano, le dimpho tša Moya wo Mokgethwa, go ya ka thato ya gagwe mong?

¹¹⁵ E sego se batho ba se bolelago, se kereke e se boletšego, eupša se thato ya Modimo e bilego. Oo, re hloka go nyaka thato ya Modimo, e sego kgaogelo ya moagišani wa gago, e sego kgaogelo ya bana ba gago, e sego kgaogelo ya monnamogatša goba mosadimogatša wa gago. Eupša, nyaka thato ya Modimo, gomme o dire yeo pele. Morago se sengwe le se sengwe gape, thato ya mosadimogatša le thato ya bana, di tla wela thwi le yona. Eupša, bea Modimo pele.

¹¹⁶ Šetsang, bjale.

Ka gore ga se a bea lefase le le tlago taolong ya barongwa, leo re bolelago ka lona.

¹¹⁷ Ka mantšu a mangwe, Barongwa ba bagolo bao ba direlago ka Magodimong, Gabariele, Mikaele, Kgalako, le masome a diketekete atiša ka masome a diketekete a Barongwa ba Legodimong; goba masome a makgolokgolo a baprofeta bao ba bilego lefaseng, yo mongwe le yo mongwe wa bona; ga sa nke A bea e ka ba ofe wa bona go ba le taolo godimo ga lefase le le tlago, leo re bolelago ka lona. Le o tee! Ga sa nke A re, “Jesaya, o tla laola lefase.” Ga se nke A bea lefase taolong ya Eliya. Ga išita ga se A le bea go Gabariele, goba morongwa ofe, moyo e ka ba ofe o hlankelago.

¹¹⁸ Šetsang se a se boletšego, Paulo, a sa godiša Kriste, yoo re bolelago ka yena.

Eupša o tee lefelong le rilego o pakile, a re, Motho ke eng, gore wena o mo šetše? goba morwa wa motho, gore wena o tla etela yena?

O mo dirile tlasana gannyane go feta barongwa; o mo apešitše mphaphahlogo ka letago le ka tlhompho, gomme o mmeile godimo ga mediro ya sa gago seatla:

¹¹⁹ Bjale, ge le nyaka go bala yeo, ke Pesaleme 8:4-6, Dafida a bolela. Bjale o biditše Dafida eng fa? Seo se a e rumu, thwi fale, ge eba ke be ke nepile mosong wo, go moprefeta.

¹²⁰ O rile, “Ka gore yo mongwe wa barongwa o boletše lefelong le rilego.” Dafida, motseta wa Modimo, o be a le morongwa wa Modimo, ka gobane o be a le motseta wa Modimo. Morongwa o rile, Dafida o rile, ka go Dipesaleme, “Wena o Mo dirile tlasana gannyane go feta Barongwa ba Legodimong.” Morongwa o boletše gore Modimo o Mo dirile tlasana go feta Morongwa, gore A ke a Mo rweše mphaphahlogo; gomme A ke a tlaišege le go latswa lehu, go ka phagamišetšwa godimo gape. Gore A ke a Mo dire... go abelwa dilo tšohle tša lefase. [Lefelo la go se be selo go theipi—Mor.]

¹²¹ Bjale, ka go—ka go Mateo 28:18, re bale a. Morago ga ge A bapotšwe gomme a tsogile gape letšatšing la boraro, O kopane le barutiwa ba Gagwe gomme o ba laetše go ya ka lefaseng lohle, go rera Ebangedi go sebopiwa se sengwe le se sengwe. O rile, “Maatla ohle ka Legodimong le ka lefaseng a filwe ka diatleng tša Ka. Maatla ohle ka Legodimong, maatla ohle ka lefaseng, a filwe go Nna.” Ebe e le eng? Motho le Modimo ba kopane. Logos e dirilwe nama gomme e bolailwe, le go tsoga gapé bakeng sa tokafatšo ya rena, gomme nako yela e be e le motlotšwa Imanuele neng le neng le neng le neng. Modimo o fetotše lefelobodulo la Gagwe, go tloga Teroneng ka sebakabakeng mošola, go pelo ya Morwa wa Gagwe, Kriste Jesu, go phela le go rena neng le neng. “Modimo o be a le ka go Kriste.” Ke Yena lefelo la mafelelo la bokhutšo la Moya.

¹²² Moya o dutše ka tabarenekeleng, letšatši le lengwe, le tseba seo, ka tlase ga tente. “Gomme Salomo o Mo agetše ngwako. Eupša, golebjalo, Yogodimodimo ga a dule ka ngwakong wa go dirwa ka diatla.” “Eupša O Ntiretše mmele.”

¹²³ Godimo ka go Puku ya Ditiro, tema ya 7, ge a be a bolela, o rile, “Bohole ba bona ba O bonetšepele. Ba Mo agetše tente, Moshe o dirile, o bile le tente, gomme o beile areka ka fale, gobane Modimo o be a le godimo ga Setulo sa Kgaogelo. O be a sa dule fale.” Go lokile.

¹²⁴ Gona, “O Ntiretše mmele,” mmele wa Morena Jesu Kriste, o dirilwe tlasana go feta Barongwa go latswa lehu; gomme ga a gona eupša yena yogodimodimo ga Godimo, Kriste; Mokgoma wa Khutšo, Kgoši ya dikgoši, Morena wa morena, Mohlodi wa naledi ye nngwe le ye nngwe ka go legohle.

¹²⁵ O Modimo! O bile ka tlasana go feta tlholo ya Gagwe, gore A ke a lopolle motho, (mohlokalegaae, motho wa go hloka thušo), gomme a ba fa legae ka Legodimong. O tlogetše matago a Legodimong. O tlogetše Leina la godimodimo leo le ka go bitšwa. Gomme ge A be a le mo lefaseng, motho o Mo fa leina la tlasetlase leo ba kgonnego go Mo fa, o rile, “O be a le lesea la hlabab, le go thoma.” O belegetšwe ka legopong, a tateditšwe ka mankgeretla go tšwa joking ya pholo. Go se lefelo go ya go lona, ga se a be le legae go ya go lona. Gomme o biditšwe, “Beletsebubu,” kgoši ya bodiabolo. O swerwe makgwakgwa. O tshwetšwe. O dirilwe motlae. O gannwe, gomme o ile go melete ya tlasetlase, le go theogela go “Bommalegogwana ba babebabe.” Ke seo motho a se dirilego go Yena.

¹²⁶ Eupša Modimo o Mo phagamišeditše godimo ga godimo kudu gore O swanetše go lebelela tlase go bona Legodimo. Motho o Mo fa setulo sa tlasetlase, o Mo fa lefelo le lebelebe, leina la tlasetlase. Modimo o Mo phagamišeditše godimo le go Mo fa Setulo sa godimodimo, le Leina la godimodimo. Yeo ke phapano se motho a se dirilego ka Morwa wa Modimo, le se Modimo a se dirilego ka Morwa wa Modimo.

¹²⁷ O theogile, gore re ke re hlatlošwe. O bile rena, gore rena ka mogau wa Gagwe re ke re be Yena. O tla go bahlokalegaae, le go ba mohlokalegaae Yenamong, gore re ke re be le legae. O tlide go balwetsi gomme o dirilwe molwetsi Yenamong, gore re ke re fodišwe. O tlide go modiradibe, “le go dirwa sebe, Yenamong,” gore re ke re phološwe.

¹²⁸ Ga go makatše O ile a phagamišwa. Ga go makatše Ke Yena Yo a lego bošegong bjo. Modimo o Mo phagamišitše, gomme maatla ohle ka Magodimong le lefaseng a filwe go Yena.

¹²⁹ Ge modiro wa Gagwe wa lefaseng o be o feditšwe, fa mo lefaseng... O tlide go lefase, ka pela ge A dirile mphatlalatšane o Mo tsebagaditše go beng Morwa wa Modimo. O šikintše diabolo yo mongwe le yo mongwe yoo A kopanego le yena. A go šegofatšwe Leina la Morena! Bodiabolo ba a roromela le go šikinyega, gomme ba kgopetše kgaogelo, mo Bogoneng bja Gagwe. Ee, mohlomphegi. Hele yohle e tsebile O be a le Mang.

¹³⁰ O sepetše ka go kokobela, ga se A be le lefelo go latša hlogo ya Gagwe, mo bošegong bja pula. Tšona diphoofolo tše o A di hlotšego, “Dinonyana tša sebakabakeng di ne dihlaga, le diphukubje di ne melete, eupša Morwa wa motho ga a na lefelo go latša hlogo ya Gagwe ya go šegofala.” Kgonthe, O be a le.

¹³¹ O bile sebe, o bile wa tlase le go tlogelwa. Eupša bodiabolo ba tsebile O be a le Mang. Ba phophothile bakeng sa kgaogelo. Ba rile, “Gobaneng O etla go re tlaiša pele nako ya rena e etla.” Gomme mola bareri ba be ba Mmitša, “Beletsebubu,” mmolelelamahlatse; bodiabolo ba be ba Mmitša, “Morwa wa Modimo yo a phelago,” le go phophotha bakeng sa kgaogelo.

¹³² Oo, ka fao re ka kgonago go no emiša feela motsotso! Ke wena mang, golebjalo? Mošomo woo o nago le wona o ra eng? Goba ngwako wola wo monnyane re nago le wona o ra eng? Koloi ye re nago le yona e ra eng?

¹³³ Mosetsana yo mobotsana yo monnyane, wena selo se sennyane se boreletšana, ke eng sebopego sela se sennyane seo o nago le sona bjale? Lena masogana ka wa go phadima, moriri wa go otlologa, magetla a go otloga; o tlo kobamela fase letšatši le lengwe, ge o theošitšwe ke bogolo.

¹³⁴ Eupša, a go šegofatšwe Morena! O ne soulo yeo e tswetšwego gape. O tla phela neng le neng le neng, gobane O bile wena, gore wena ka mogau wa Gagwe o ke o be Yena, le go go direla lefelo.

¹³⁵ Oo, rena ba re naganago gore re ne go fetola ga diaparo, le krosari e se nene ka ntlong, re bomang? Modimo a ka bo tšea ka motsotsvana. Wona mohemo wa gago o swere ka seatleng sa Gagwe. Le Yena magareng ga rena go fodiša balwetši, go kwalakwatša le go bolela, le go bolelapape, gomme nako ye nngwe le ye nngwe ka go phethagala. Gomme ebile go tshwenyega go lekanelo go tliša ye nnyane, hlapi ye e hwilego morago go bophelo bja yona gape, mo magareng a rena. Jehofa go re dikologa, Jehofa ka go rena, KE NNA yo mogolo le maatla.

¹³⁶ Mola A ehwa, ba naganne ba Mo hweditše. O rotogetše ka heleng. Ge A tlogetše lefase letšatšing lela ge A bapolwa, O ile ka dikgaong tša balahlegi. Beibele e rile, “O ile le go rerela disoulo tšela di bego di le ka kgolegong, tše di sa sokologago ka go pelofaleng, matšatšing a Noage.” Ge A ehwa, gomme Moya wa Gagwe o Mo tlogetše, O bile Logos gape. Yena, ke a bona, o rile, “Ke tšwa go Modimo. Ke boela go Modimo.”

¹³⁷ Gomme Modimo o be a le Pilara ya Mollo yela yeo e etilegopele bana ka lešokeng. Gomme ge A be a le fa mo lefaseng... Gomme ge A ehwa, O fetogetše morago go Seetša gape. Paulo o Mmone, gomme O be a le Seetša. Ga a gona wa bona ka moka a Mmonego. Ba bone Paulo a ewa. Se sengwe se mo rathile, gomme E be e le Seetša. Paulo o rile, “Ke Mang ke mo hlomerego?”

¹³⁸ O rile, “Saulo, Saulo, gobaneng o Ntlhomere?”

O rile, “Ke Mang?”

¹³⁹ O rile, “Ke nna Jesu, yoo o mo hlomerego, gomme go thata go wena go raga kgahlanong le seotledi.”

¹⁴⁰ Morago o ile le go ithuta Seetša sela. Paulo o ile morago ka Beibeleng, go hwetša Seetša sela e be e le eng. Gomme o ngwadile Lengwalo le. Ke Yena Jehofa wa go swana. Seetša sela sa go swana se bego se le ka lešokeng le bana ba Israele. Gomme ge Petro a be a le ka kgolegong, O be a le Seetša sela se tsenego gomme se butše mabati.

¹⁴¹ Gomme ka mogau wa Gagwe, gore go se be a tla bago le maitshwareletšo...Oo, ge ba ka kgona go lebala batseta ba goserutege, gomme elelwang: ga se motseta, ke Molaetša. O theogile gape, le rena, ka sebopego sa Pilara ya Seetša. Gomme O sepela le mehlolo le maswao a Gagwe a go swana, ga go selo go fapoga go Beibele; go dula thwi le Beibele, go e swara ka tlase ga taolo, go tliša letago la Gagwe, go bontšha maatla a Gagwe. A go šegofatšwe Leina la Gagwe le lekgethwa!

¹⁴² Ke a tseba le swanetše go nagana gore ke a hlanya; eupša, oo, Khutšo ya Gosafelego yela ya go šegofala yeo e lego ka soulong ya ka. Le ge madimo a ka tšutla, sethekgo sa ka se swere ka gare ga seširo.

¹⁴³ Le go Mmona ge A hwile, go fihla, ngwedi o swerwe ke motlhakgaselo. Letšatši le diketše mo gare ga mosegare. Gomme ge A ile dikgaong tša balahlegi, [Ngwanešu Branham o kokota phuluphithing makga a mane—Mor.] o kokotile lemating, gomme lemati le bulegile. Beibele e rile, “O reretše disoulo tšeou di bego di le ka kgolegong, tšeou di sa sokologago ka go pelofaleng mo matšatšing a Noage,” morago ga ge A hlokofetše go lefase le. Ngwanešu wa ka, kgaetšedi ya ka, ge A hlokofetše, modiro wa Gagwe wa lefaseng o be o dirilwe, eupša O be a sa šoma. Gomme O sa le mošomong bošegong bjo. Amene.

¹⁴⁴ O kokotile mamating a balahlegi. Beibile e rile O dirile. Gomme O hlatseditše, “Ke nna Peu ya mosadi. Ke nna Yena yoo Adama a boletšego ka yena. Ke nna Yena yola Henoge a rilego o tla tla le lesome la dikete la bakgwethwa ba Gagwe. Ke nna Morwa wa Modimo yo a phelago, gomme le dirile letšatši la lena la mogau sebe. Eupša go profetilwe go lena, ke barongwa, Henoge, Noage, gore Ke swanetše go tla go phethagatša Lentšu le lengwe le le lengwe la Beibele ya Modimo. Ke fa bjalo ka hlatse ka go ye ‘naga ya balahlegi.’” Gomme O ba reretše.

Go theogela ka heleng O ile, thwi tlase go mabati a hele, o kokotile mo lemating. Diabolo o butše lemati, o rile, “Ke Go hweditše bjale.”

¹⁴⁵ O hlothotše tšona dikgonyo go tloga lehlakoreng la gagwe, o rile, “Wena diabolo, o swere phoro nako ye telele.” Yona še, thwi fa ka Beibeleng. Ke tla go yona mo motsotsong. “O swere phoro lebaka la nako ye telele, eupša Ke tla go thopa.” O tšere dikgonyo tšela gomme o mo ragetše morago ka gare, le go tswalela lemati.

O tla go kgabola gomme o tšere Abraham, Isaka, le Jakobo. Ka letšatši la boraro O tsogile, gomme bale ba ba robetšego ka lebitleng ba tsogile le Yena. Oo, haleluya! Ga go makatše moreti a rile:

Go pheleng, O nthatile; go hweng, O
mpholosítše;
Go bolokweng, O rwaletše dibe tša ka kgole;

Go tsogeng, O lokafaditše ka thelelo go ya go
ile,
Letšatši le lengwe O etla, oo, Letšatši la letago.

¹⁴⁶ Go šegofala go be lehuto leo le bofaganyago dipelo tša rena ka kopanelo ya Bokriste, lerato la Modimo. Ge A tsogile, O be a se a šo a fetša, efela. O bile le mošomo wo mongwe go o dira.

¹⁴⁷ Beibele e rile, “O rotogetše Godimo gomme a fa dimpho go batho.” Go be go ne boemo bo lekeletše godimo ga lefase, bja leswiswi, la kgotlombo, la lehu, le molapo. Dithapeло di be di sa kgone go rotoga, gobane Poelano e be e se ya dirwa. Eupša, O phuleeditše seširo sela. O butše tsela. O kgaotše seširo sa bolwetshi. O kgaotše seširo sa sebe. O kgaotše seširo sa molapo. O kgaotše seširo sa go ngenega. O kgaotše seširo se sengwe le se sengwe, gomme o dirile tselalephefo bakeng sa monna wa mošupatsela, a sepela godimo go tselalephefo ya Kgoši. Oo, nna, ge A fetile ngwedí le dinaledi, pele le pele!

¹⁴⁸ Go lateleng, ka morago ga Gagwe, go tla bakgethwa ba Testamente ya Kgale, Abraham, Isaac, le Jakobo. Ba ile thwi pele godimo ka magodimong a Legodimo. Ge ba be ba le kgolekgole go tloga go Toropokgolo, ke kgona go ba bona ba phagamiša mahlo a bona. Abraham o rile, “Yela ke Toropokgolo yeo ke dumilego go e bona. Oo, tla fa, Isaka. Etla fa, Jakobo. Oo, re be re le bafeti le bašele ba lefase, eupša Toropokgolo šele. Šo Yena re bego re mo letile.”

¹⁴⁹ Gomme Beibele e rile ba goeleditše, “Phagamang, lena dikgoro tša neng le neng, gomme le phagameng, gobane Kgoši ya Letago e a tsena.”

¹⁵⁰ Gomme Barongwa ka morago ga dikgoro ba goeleditše morago go barongwa ba morago fa, gomme ba rile, “Ke mang Kgoši ye ya Letago?”

¹⁵¹ Gomme barongwa ntle fa, baprofeta, ba rile, “Morena wa Mašaba, Mogale ntwang.”

¹⁵² Gomme ba tobeditše dikonopi gomme lemati le legolo la bulega. Thwi go theoga bogare bja mekgotha O etla, Mofenyi, a fentše, le bakgethwa ba Testamente ya Kgale ka morago ga Gagwe. O dutše fase Teroneng, o rile, “Tate, bona šeba. Ke ba Gago.”

¹⁵³ O rile, “Namelela godimo fa gomme o dule fase, go fihlela Ke dira manaba a Gago ohle bogatanao bja Gago.” Bjalo ka ge re bala, re hwetša seo godimo fa go Lengwalo. Go lokile.

¹⁵⁴ Theetšang. Bjale gore re go temana ya 8:

Gona o *beile dilo tšohle* ka go *taolo ka tlase ga maoto a gagwe*. *Ka gore... o beile tšohle dilo ka tlase ga taolo maotong a gagwe, ga se a tlogela selo seo se sa... ka tlase ga gagwe*. Eupša bjale ga re bone... dilo tšohle di *beilwe ka tlase ga gagwe*.

Ke gore, lehu. Ga re bone lehu, efela, ka gobane re sa hwa. Re bona lehu.

Eupša, temana ya 9, “Eupša re bona Jesu!” Amene. Theetšang.

...re bona Jesu, yo a dirilwego tlasana gannyane go feta barongwa bakeng sa tlaisego ya lehu, a ruešitswe mphaphahlogo ka letago le tihompho; gore yena ka mogau wa Modimo a latswe lehu bakeng sa motho yo mongwe le yo mongwe.

Gobaneng A dirilwe tlasana go feta Barongwa? Gore A kgone go latswa lehu. O be a swanetše go hwa. O be a swanetše go tla, go hwa.

¹⁵⁵ Lebelela fa, mogwera. O se ke, o se tsoge wa lebala se. Ge Jesu a be a eya, a sepela go rotoga thaba, lehu le be le bobola gohle hlogong ya Gagwe.

¹⁵⁶ A re tšeeng seswantšho sa rena go ya Jerusalema, mengwaga ye dikete tše pedi ya go feta. Gomme o ka kgona go E gana bjang? Ke kwa modumo o tswelala mokgotheng. Ke eng? Ke go thulana ga se sengwe. Ke sefapano sa kgale sa makgwakgwā se theoga, se etšwa dikgorong tša Damaseko, se thulana godimo ga matlapa a moroki. Ona matlapa a moroki a kgale a sa le gona fale. Se thulana godimo ga letlapa moroki le legolo, kulukutu. Ke bona go tsorotla ga Madi mo mokgotheng. Ke eng? Ke Monna yo a sa dirago tshenyo; ga se gona eupša go loka. Batho ba be ba foufetše. Ga se ba Mo tseba. Ga se ba Mo lemoga.

O re, “Foufetše? A ba ka ba le go bona ga bona?”

¹⁵⁷ O ka no fela o ne go bona ga gago gomme wa foufala. O dumela seo? Beibele e boletše bjalo. Le elelwa Elisa tlase ka Dothane? O ile ntle le go ratha batho go foufala, o rile, “Bjale ntateleng.” Ba be ba foufetše go yena.

¹⁵⁸ Gomme batho ba foufetše bošegong bjo. Kereke tsoko yeo e sa dumelego go phodišo Kgethwa, e sepeletše godimo go nna nako ye nngwe, gomme e rile, “Mphoufatše. Mphoufatše” E be e le ngwakong wa Ngwanešu Wright. O rile, “Mphoufatše.” O rile, “Paulo o foufaditše motho, nako ye nngwe.” O rile, “Mphoufatše.”

¹⁵⁹ Ke rile, “Mogwera, diabolo šetše a e dirile. O šetše o foufetše. Kgonthé, o gona.”

¹⁶⁰ O rile, “Fodiša mosetsana yo monnyane yo gomme ke tla go dumela.”

¹⁶¹ Ke rile, “Phološa modiradibe yola gomme ke tla go dumela.” Kgonthé.

¹⁶² “Oo,” o rile, “o swanetše go dumela.”

¹⁶³ Ke rile, “Selo sa go swana fa, go swanetše go tla ka mogau wa ikema wa Modimo.”

¹⁶⁴ Diabolo, mo—mo modimo wa lefase le, o foufaditše mahlo a batho. “Ba ne mahlo eupša ga ba kgone go bona,” Beibele e boletše.

¹⁶⁵ Šo Yena o be a le, a rotoga mokgotheng, a goga dikgato tša maoto tša Madi mo tseleng go ya godimo. *Nosi* ya lehu e be e loma go Mo dikologa, e Mmobolela, “Feela nakwana ye nnyane gomme ke tla Go hwetša.” O be a eba go fokola, a nyoretšwe meetse.

¹⁶⁶ Nkile ka thunngwa, ke letše godimo fa mo tšhemong, madi a no falala go tšwa go nna. Ke gooleditše bakeng sa meetse. Gomme mokgotse wa ka o kitimile, o tšere kefa ya gagwe gomme o e išitše fase ka meetseng; a kgale a magakwa, dikolompisane ka meetseng. O tlide godimo, gomme ke butše molomo wa ka; o pitlike yela. Gobane, madi a be a tsorotla boka mothopo, moo ke thuntšwego diripana ka sethunya. Ke nyorilwe!

¹⁶⁷ Gona ke a tseba se Morena wa ka a swanetšego go ba a bile, morago ga go tšwa madi mosong wola ohle, go tloga ka iri ya senyane go fihla ka iri ya boraro mo mantšiboeng, a lahlegelwa ke Madi ale ohle. Ke bona kobo ya Gagwe, la mathomo, boka dipatso tše nnyane nthathana go yona. Gomme tšona dipatso tšohle di thoma go gola le go kitima mmogo, go dira nthetebudi e tee e kgolo ya Madi, e Mmethago maotong ge A sepela tikologong. Ao e be e le Madi a Imanuele. Oo, lefase le be le sa swanelwe ke Ona.

¹⁶⁸ Eupša ge A be a eya godimo, *nosi* ye e loma tikologong ya Gagwe. E dirile eng? Mafelelong e Mo lomile.

Eupša, ngwanešu, e ka ba mang o a tseba, gore khunkhwane goba nosi, ge e ka tsoge ya loma gatee, seo se fediša mošomo wa go loma. E ka se sa loma gape. Gobane, ge e tloga, e gogela lebola la yona ntle.

Ke ka lebaka leo Modimo a ilego a swanela go dirwa nama. O tšere lebola la lehu ka nameng ya Gagwe, gomme O gogile lebola go tšwa go lehu. A go šegofatšwe Leina la Morena! Lehu le ka hama le go loma, eupša le ka se go gobatše.

¹⁶⁹ Paulo, ge a kwele *nosi* yela e hama tikologong ya gagwe, lehu le be le etla pele thwi. O rile, “O lehu, lebola la gago le kae?” O kgonne go šupa Khalibari moo le tlogetšwego ka nameng ya Imanuele. “Phenyo ya gago e kae? Eupša a go lebogwe Modimo yo a re fago phenyo ka Morena wa rena Jesu Kriste.” Ee.

¹⁷⁰ Ga re bone dilo tšohle.

Eupša re a bona Jesu, yo a dirilwego tlasana gannyane go feta barongwa bakeng sa . . . tlaišo ya lehu, . . .

Gobane go swanetše yena, ka yena dilo tšohle—dilo tšohle, gore ka yena re ne dilo tšohle, mo mathomong . . . barwa ba bantsi . . . le go dirwa yena mokapotene mogolo wa ya rena phološo . . . ka tlaišego.

Tsela e nnoši A kgonnego go ba Mokapotene wa phološo ya rena, O ile a swanelo go tlaišwa.

¹⁷¹ Theetšang Mantšu a a mabotse fa bjale. Bjale theetšang.

Ka gore bobedi yo a hlwekišago le bona bao ba hlwekišitšwego bohle ke... batee:...

Oo, a ga le bone Morara le Lekala fao? [Phuthego e re, "Amene."—Mor.] Bohle Batee.

...ke ka lebaka leo ga a lewe ke hlong go ka bitšwa baena,

Le a bona? Gobaneng? Theetšang, temana ya go latela.

A re, Ke tla tsebiša leina la gago go baena ba ka, ka mo gare ga kereke ke tla opela ditheto go wena.

Gomme gape, ke tla bea tshepo ya ka go yena. Gomme gape, Bonang nna le bana ba wena o mphilego.

Bontši bjalo ka ge bana ba le batšeakarolo ba nama le madi, le yena yenamong ka go swana o tšere karolo ya go swana; gore ka lona lehu la gagwe a ke a fediše yena yo a nago le maatla a lehu, ke gore, diabolo;

Le go ba namolela ba ka...ka gore...ka...ka gore lehu le be ka mehla le ba beile taolong go ditlemo.

¹⁷² Motho ka mehla o boofile lehu. Kriste o bile sebe, o dirilwe wa tlase, go rwala lehu godimo ga Gagwemong. Gomme ga A lewe ke hlong go bitšwa "Ngwanešu" wa rena, gobane O lekilwe feela boka re lekwa. Gomme O kgona go ka dira...go ba mohuta wa maleba wa mmuelanyi, gobane O emelane le mohuta wa go swana wa teko yeo le e emelago. Gomme O tšere lefelo la gago, a tseba gore o ka se kgone go le tšea wenamong.

¹⁷³ Kafao, a ga o bone, ngwanešu, kgaetšedi? Selo ka moka ke mogau. Yohle ya sona ke mogau. Ga se se o se dirago, go le bjalo. Ke se A šetšego a go diretšego. Bjale, o ka se dire selo se tee go swanelo phološo ya gago. Phološo ya gago ke mpho. Kriste o bile sebe, gore o be toko. Gomme Yena ke mohuta wa maleba wa Mokapotene Mogolo bakeng sa phološo ya rena, gobane O tlaišitšwe feela boka re tlaišitšwe. O lekilwe feela boka re lekwa. Gomme ga A lewe ke hlong go bitšwa "Ngwanešu wa rena," gobane O tseba se re fetago go sona. Oo, Leina la Gagwe a le segofatšwe!

Gobane ruri ga se a tšea sebopego sa barongwa; eupša o tšere go yena peu ya Abraham.

¹⁷⁴ Oo, nna! Ga se A be Morongwa. O bile Peu ya Abraham. "Gomme rena, go beng go hwa ka go Kriste, re tšea Peu ya Abraham, gomme re majabohwa go ya ka tshepišo." Le a bona? Ga se nke A tšea sebopego sa Morongwa. Ga se nke A ba Morongwa. O bile Motho. O bile Peu ya Abraham, gomme o tšere lebola la lehu ka nameng ya Gagwe Mong, go re boelanya le

Modimo, gomme bjale o dutše fale bakeng sa Mmoelanyi. Nna, re ka kgona bjang go E gana, mogwera?

¹⁷⁵ Theetšang.

Kagona go dilo tšohle go mo swanetše go dirwa wa go swana le baena ba gagwe, gore a ke a be moprista yo mogolo wa kgaogelo le go botega go dilo tšohle mabapi le Modimo, go dira poelano... se sebe sa batho.

¹⁷⁶ Gore A ke a be Mmoelanyi! Le a bona, go be go le bonaba magareng ga Modimo le motho. Gomme ga go motho... .

Ba rometše barongwa, baprofeta. Ba be ba ka se kgone go tsea lefelo la gago, gobane ba be ba swanetše go ithapelela bonabeng. Ba be ba ka se kgone go tsea lefelo la gago.

¹⁷⁷ Morago, O rometše molao. Molao e be e le lephodisa leo le re beago kgolegong. O be o sa kgone go re ntšha. O rometše molao.

O rometše baprofeta, O rometše toko, le se sengwe le se sengwe, ga se se kgone go dira poelano. Eupša O theogile le go ba yo mongwe wa rena. Oo, nna!

¹⁷⁸ Ke duma nkabe re ne nako ye ntši gonabjale, ke tla rata go le iša go molao wola wa topollo; eupša ga re nayo, eupša feela lebaka la nakwana. Seswantšho se sebotse sa Ruthe le Naomi. Ge le ka bona fale, poelano, ka fao gore molemi, monna yoo a bego a lopolla lefa leo le lahlegilego le go wa, be a swanetše go ba molokokgwauswi go motho yoo a bego a lahlegetšwe ke lefa. Ke ka lebaka leo Boase a swanetšego go ba... a be a le wa lelokokgauswi go Naomi, gore a kgone go hwetša Ruthe. Gomme gona, o be a swanetše go ba wa maswanedi. O be a swanetše go kgona go e dira, go lopolla tša go lahlega. Gomme Boase, mo kgorong, o file bohlatse bja phatlalatša, ka go rola seeta sa gagwe, gore o be a lopolotše Naomi le dithoto tša gagwe tšohle. Gomme o be a swanetše go ba wa molokokgauswi.

¹⁷⁹ Gomme ke ka lebaka leo gore Kriste, Modimo, a swanetše go ba wa molokokgauswi go rena. Gomme O fologile gomme o bile Motho. Gomme O lekilwe. Gomme O segilwe, dirilwe motlae, le go hlomarwa, le go hlokomologwa, le go bitšwa "Beletsebubu," le—le go kwerwa, le go kwa lehu ka tlase ga kotlo ya polao. Le a bona? O be a swanetše go ba wa molokokgauswi go rena. O be a swanetše a pharwe ka maaka, gobane le pharwa ka maaka. O be a swanetše go rwala bolwetši, gobane le a lwala. O be a swanetše go rwala sebe, gobane e be e le dibe tša lena. Gomme O be a swanetše go ba wa molokokgauswi. Tsela e nnoši A ka re lopolago e be e le go ba wa molokokgauswi go rena. Gomme O bile wa molokokgauswi bjang, ka go tsea sebopego sa nama ya sebe le go ba yo mongwe wa rena. Gomme ka go seo, O lefile tefo le go re lopollela morago ka go kopanelo ya Tate. O, a Mophološi! Mantšu ga a kgone go e hlagiša.

*Ka gore ka go seo yena yenamong o tlaišegile go beng
taulong, . . . le go kgona go šokela bona bao ba lekwago.*

¹⁸⁰ Go šokela go ra “go kwelabohloko.” Leo, lebaka A bilego *yo*, gore A ke a le kwelebohloko ba le . . . ba le *merotoga* le *metheoga* ya lena, le ka *gare* le ka *ntle* ga lena go gonyane, gomme meleko ya lena e ba ye megolo ga le kgone go emelana le yona. O tseba ka fao a le kwelagobohloko. O dula fale, go dira poelano. O dula fale, go le rata. Gomme le ge le hlahlatha, A ka se le tlogole. O tla fela a le šetše morago le go kokota pelong ya lena. Ga go ne mokgelogi ka moagong eupša yo a tsebago gore Modimo o kokota pelong ya gagwe tšatši ka tšatši. Gomme O tla e dira ge feela o sa le wa go hwa mo lefaseng le, gobane O go ratile. O go lopolotše.

¹⁸¹ Bareti ba lekile, bangwadi ba a leka, motho o leka go hlagiša morero wa “lerato,” gomme ga o kgone go hwetša ka go tlhagišo ya setho. Yo mongwe o rile:

Oo, lerato la Modimo, le humile le go hlweka
bjang!
Tlhokamagomo le go tia bjang!
Le tla ema go ya go ile,
Pina ya Bakgethwa le Barongwa.

Ge re ka tlatša lewatlekgolo ka enke,
Gomme maratadima a dirilwe pampiri;
Lehlaka le lengwe le le lengwe lefaseng pene,
Gomme monna mang le mang mongwadi ka
kgwebo;
Go ngwala lerato la Modimo godimo
Le ka gwapiša lewatlekgolo go omeleta;
Goba sekorolo se ka swara lohle,
Le ge se taramolotše go tloga leratadimeng
go ya leratadimeng.

¹⁸² Le ka se tsoge la kwešiša. Ga go ne tsela go rena go kwešiša ka fao gore sehlabelo sela se segolo, seo A se dirilego, se fologile le go re boelanya morago le Modimo. Morago O ile morago gomme o rile, “Bjale, Nka se le tlogole le sa homotšwa. Ke tla tla gape le go ba le lena, ebile ka go lena, go ya bofelong bja lefase.”

¹⁸³ Gomme ke rena ba lehono, re phela nakong ya bofelo, le Jesu wa go swana, dilo tša go swana, maswao a go swana, matete a go swana, phološo ya go swana, Moya wa go swana o dira dilo tša go swana, Ebangedi ya go swana, Lentšu la go swana, diswantšho tša go swana, ponagalo ya go swana, se sengwe le se sengwe. Go re swanetše go se hlkomologe phološo ye kgolo ye, gobane re tla swanela go fa boikarabelo, letšatši le lengwe, ka se re se dirago ka Morwa wa Modimo.

¹⁸⁴ O diatleng tša gago bošegong bjo, modiradibe, mokgelogi. O ya go dira eng ka Yena? O re, “Gabotse, ke tla E beela thoko.” Eupša, elelwa, o se dire seo. Ga go na tsela, le gannyane, ge o

le modiradibe, yeo o ka tšwago moagong wo gomme wa ba go swana. O ka se kgone go e dira.

¹⁸⁵ Pilato, bošegong bjo bongwe, o lekile go e dira. O biditše bakeng sa meetse tsoko gomme o hlapile diatla tša gagwe. O rile, “Ga ke ne selo go dira le Yona. Go no swana le ge ke sa nka ka E bona. Ga sa nke ka ke ka kwa Ebangedi. Ga ke nyake selo go dira le Yona.” A o kgonne go E hlapiša go tšwa diatleng tša gagwe? Ga se a kgona.

¹⁸⁶ Mafelelong, le tseba se se diragaletšego Pilato? O lahlegetšwe ke monagano wa gagwe. Gomme godimodimo ka Switzerland, moo re bego re le ngwaga wa go feta, re rera Ebangedi, bjale go ne nonwane ya kgale yeo e boletšego, gore, go ne mogobe wa meetse fale, moo batho ba tlago go tšwa gohlegohle lefaseng, go bogela, ngwaga wo mongwe le wo mongwe, ka nako ya papolo. Pilato, o iphošeditše yenamong go lehu, ka go ipolaya, go tabogela ka meetseng a le go ikgamiša yenamong. Gomme ngwaga wo mongwe le wo mongwe, ka letšatši lela la go swana, meetse a bolou a belela godimo go tšwa mogobeng wola, go bontšha gore Modimo o ganne meetse. Meetse a ka se tsoge a kgona go hlatswa Madi a Jesu go tloga diatleng tša gago goba soulong ya gago. Go ne tselo e tee e nnoši go e dira, yeo ke go A amogela bjalo ka tebalelo ya sebele le go boelanywa le Modimo.

A re rape leng.

¹⁸⁷ Tate wa Legodimong, re leboga Wena bošegong bjo bakeng sa Lentšu. “Ka gore tumelo e tla ka go kwa, gomme go kwa ka Lentšu.” Re leboga Wena bakeng sa Jesu. Gomme bjalo ka ge re bona letšatši le legolo le leo re phelago ka go lona, ka fao gore maswao le matete, ka fao re lesago dilo tše go thelela. Modimo, bula mahlo a batho ka tabarenekeleng ye, bošegong bjo, gore ba ke ba bone le go kwešiša gore re mo diiring tša mafelelo. Nako e a re šia. Ga re ne bontši botelele go ba fa, gomme re tla swanelo go bona Jesu. Gomme re tla swanelo go balwa baeki, gobane ga go na boitshwareletšo. Mosong wo, ge O file yela ye kgolo, pono ye maatla, ya monna yola a etla fa, go tšwa kgole ka nageng mošola; gomme go mmona, ntle le pelaelo, a emelela go tloga setulong sela sa bagolofadi, a amogela go bona ga gagwe. Maoto a gagwe a ile a tia, tlase go kgabola moago, a hlaletše le go tumiša Modimo. Go bontšha gore Modimo o sa kgona ka matlapa a go tsošetša Abraham bana. Go bona dipono, boka Jesu a boletše, “Ga Ke dire selo go fihil Tate a Mpontšha. Ga Ke kgone go dira selo.”

¹⁸⁸ Monna wa sefofu o Mo latetše, gomme o rile, “Re gaoge.”

¹⁸⁹ O rile, kgwathile mahlo a bona gomme o rile, “Go ya ka tumelo ya lena, a go beng go lena.”

¹⁹⁰ Bjale, Morena, re bona Jesu. Ga re bone dilo tšohle. Re a bona re sa iša bakgethegilego ba rena lebitleng, le go sepela godimo ga lebitla la rena seng. Eupša re bona Jesu, yo a dirilego tshepišo. Re Mmona le rena. E sego Jesu ka lebitleng, e sego Jesu mengwaga ye

dikete tše pedi tša go feta; eupša Jesu bošegong bjo, yoo a nago le rena. Re bona Yena a bonagaditšwe ka go maatla ohle a Gagwe, le maswao, le matete.

¹⁹¹ Modimo, anke re se tsoge ra hlokomologa Phološo ye kgolo ye. Eupša anke re E gokarele, le go E amogela, le go ba tlhomphokgolo, le go phela ka Yona go fihlela letšatši leo Jesu a tlago go re iša Gae. E fe, Morena. Re e kgopela Leineng la Gagwe.

¹⁹² Gomme ge re sa ne dihlogo tša rena di inamišitšwe, ke makala ge eba go ne motho ka moagong bošegong bjo, ka tlase ga Bogona bjo Bokgethwa bja Moya wo Mokgethwa, a ka rego, "Ngwanešu Branham, ke kgotšwe gore ke phošo. Ke kgotšwe gore ke phošo. Modimo o utolotše go nna dibe tša ka. Gomme ke a tseba ke phošo. Ke tla phagamišetša seatla sa ka go Yena le go kgopela bakeng sa kgaogelo, bošegong bjo. Modimo, nkgaogele. Ke phošo." A o ka dira seo?

¹⁹³ Ge re sa no leta nakwana, ge eba go ne motho fa yoo a nyakago, go ne go kolobetša go yago go direga feela mo nakwaneng. Gomme ge eba o modiradibe, nka sokologa. O ka kgonia bjang go gana lerato le lebjalo la go se bapetšwe la Yena yo a hwilego? Modimo yo mokgethwa wa Legodimong o bile Motho wa sebe; e sego ka gobane O dirile sebe, eupša gobane O bile le dibe tša rena, le go di rwalela Khalibari fale. Gomme o ka se amogeletebalelo yela? A o ka se e dire bošegong bjo? Ge re sa inamišitše dihlogo tša rena, yo mongwe a re, "Nkgopole, Ngwanešu Branham. Ke phagamišetša diatla tša ka go Kriste, le go re, 'Nkgaogele. Nna, ke phošo, gomme ke nyaka go boelanywa le Modimo.'" A o ka phagamiša seatla sa gago?

Go lokile, ge eba yo mongwe le yo mongwe ke Mokriste, gona, a re rapeleng.

¹⁹⁴ Tate, re leboga Wena bošegong bjo, gore yo mongwe le yo mongwe ka fa ke Bakriste, gore ba hlatseditše sa go swana ka go šala ba homotše, gore dibe tša bona di ka tlase ga Madi. Gomme ke thakgaletše seo kudu. Ba šegofatše, Morena. Oo, ke thakgetše kudu gore ba hweditše poelanyo ka moneelo wa madi, ka go kweng Lentšu. Go hlatswa ga meetse, ka Lentšu, Le a re hlwekiša. Le re tliša go lefelo le legologolo, moo—moo modiradibe, ka boso bjo bobo bja gagwe, o dirwa bošweu wa leswele. Dipatso tša dibe tše khubedu di hlatswitšwe, gomme re dibopša tše diswa ka go Kriste. Re leboga seo gakaakang, Wena, bakeng sa se.

Bjale tirelo ya kolobetše e a tla. Ke kwešiša gore mohumagadi yo moswa yo, bošegong bjo, o ya go kolobetšwa tlase fa, mo Leineng la Morena wa gagwe.

¹⁹⁵ O Tate wa Legodimong, re rapela gore O tla šegofatša mosadi yo moswa yo. Ka fao monagano wa ka o yago morago go feela matšatši a se makae a go feta, go tla godimo ka Henryville le go bona mosetsana yola yo monnyane wa go ratega a sepela

tikologong fale mo mokgotheng. Gomme bošegong bjo, ke mme, mohumagadi. O Go amogetše bjalo ka Mophološi wa sebele. Bophelo bo bile boima go ngwana, Morena, O Modimo, eupša Legodimo ka kgontha ke la gagwe. Gomme re Go leboga bakeng sa seo. Re a rapela, Modimo, gore O tla šegofatša mosadi yo moswa bjale. Gomme ge a etla go kolobetšwa ka meetse, anke O mo tlatše ka Moya wo Mokgethwa wa Modimo. E fe, Morena. Anke soulo ya gagwe e no thanthelwa kudu, ka Magodimong! E fe bakeng sa letago la Gago. Re e kgopela Leineng la Jesu. Amene.

[Lefelo la go se be le selo godimo ga theipi—Mor.]

¹⁹⁶ Ke nyaka go bala go tloga go Ditiro, tema ya 2; Petro a bolela, mo Letšatšing la Pentecost, kolobetšo ya mathomo yeo e kilego ya ke ya dirwa ka Kerekeng ya Bokriste. Petro, a kgala Bafarasei le batho ba difofu, bakeng sa go se lemoge Morwa wa Modimo; a bolela ka fao gore Modimo o Mo tsošitše, le go netefatša mešomo ya Gagwe, ka maswao le matete a magolo. Theetšang se, bjalo ka ge a boletše. O be a phagamiša Jesu.

¹⁹⁷ Moya wo mongwe le wo mongwe wa Mokriste o phagamiša Jesu, e sego feela ka dipounama tša gago, eupša ka bophelo bja gago. Dipounama tša gago di bolela selo se sengwe, bophelo bja gago bo dira se sengwe. Ge o dira seo, o a tseba ke eng? Ke boikaketši. Gomme bokaone ke lebane le Legodimo bjalo ka moganamodimo go phala moikaketši. Ke tla tšea mahlatse a ka bokaone, ke a dumela, ka Legodimong, bjalo ka mo—mo moganamodimo, go phala go ba moikaketši. Ka kgontha ke... Ge o paka bakeng sa Jesu gomme o re “Ke Mophološi,” ge o phela ka mokgwa wola, gobane batho ba ya go e letela go tšwa go wena. Yeo ke nnete. O phela boka Mokriste a tlemegile. Re kgabotše seo mosong wo.

¹⁹⁸ Bjale, Morena a rata, gosasa bošego, goba... Laboraro bošego, re tšea tema ya 3 ye, e lego tema ya go kgahliša. Gomme bjale, ebang kgontha go tla Laboraro bošego. Ke ba bakae ba ipshinago ka Puku ye, ya thuto ye ya sekolo sa Lamorena? [Phuthego e re, “Amene.”—Mor.] Oo, ke le leboga kudukudu. Yeo e kaone.

¹⁹⁹ Bjale, ke nyaka go bala bjale go tšwa go Ditiro, tema ya 2, go thoma go temana ya 32.

Jesu yo Modimo o mo tsošitše, kagona renā... re dihlatse. (Ba e tsebile.)

Kagona go beng ka letsogong le letona la Modimo a phagamišitšwe, le go amogeleng go Tate tshepišo ya Moya wo Mokgethwa, Yena o tšholotše a, a lena bjale le a bonago le go a kwa.

²⁰⁰ Bjale mo theetšeng a bolela ka Dafida, yo mongwe wa barongwa.

Ka gore Dafida ga se a rotogela legodimong: eupša o rile yenamong, MORENA o boletše le Morena wa ka, Dula seatleng sa ka se setona,

Go fihlela Ke dira manaba a gago bogato bja dinao tša gago.

Dafida ga se a kgone go ya godimo; o be a le ka tlase ga madi a tšholotšwego a dithole, le dipudi, le dinku. Eupša bjale o kgonne go tsoga; o be a le ka tlase ga Madi a Morena Jesu. Gobane ba arabela feela go Madi ale ge A etla maatleng. Ge Madi a Kriste a etla maatleng, bohle bale ba hwilego kgaogelong ye botse, ba tsogile, yeo ke nnete, gomme ba rotogetše Letagong.

²⁰¹ Bjale theetšang.

*Kagona anke ntlo yohle ya Israele e tsebe...
(Theetšang se)...gore Modimo o dirile Jesu wa go swana yo, yo lena...bapotšego, bobedi Morena le Kriste.*

Go reng ka seo? A Yena ke Motho wa boraro wa thrinithi, goba a ke Yena thrinithi ka moka? Ke Yena botlalo ka moka bja Modimohlogo, mmeleng.

²⁰² Ga go selo se sebjalo bjalo ka Badimo ba bararo: Modimo Tate, Modimo Morwa, le Modimo Moya wo Mokgethwa. Seo ebile ga se gona ka Lengwalong, ga go gona. Ga go gona go lego. Ga go gona re kilego ra laelwa go kolobetša, “Ka leina la Tate, le ka leina la Morwa, le leina la Moya wo Mokgethwa,” ga go gona ka Mangwalong. Ke thutotumelo ya Katoliki, gomme ga se ya kereke ya Protestant. Ke tla kgopela e ka ba mang go mpontšha Lengwalo le letee moo motho e ka ba ofe a kilego a kolobetšwa ka tsela efe ye nngwe go feta Leineng la Morena Jesu Kriste. Etla, mpontšhe yona, gomme ke tla bea leswao mokokotlong wa ka, “Moikaketsi, le moprofeta wa maaka, morutisi wa maaka,” le go ya go kgabola mekgotha. Ga go selo se sebjalo. Ga sa nke e ka ba mang a kolobetšwa ka mokgwa woo. Ke thutotumelo ya Katoliki, gomme e sego thuto ya Protestant.

²⁰³ “Mateo 28:19,” o re, “Jesu o rile, ‘Eyang kagona ka lefaseng lohole, rutang ditšhaba tšohle, ba kolobetšeng Leineng la Tate, Morwa, le Moya wo Mokgethwa.’” Yeo e nepile.

Eupša e segó, “Leineng la Tate, leina la Morwa, leina la Moya wo Mokgethwa.” *Leina la Tate, Leina* (e segó maina), la Tate...

Tate ga se leina. Ke ba bakae ba tsebago seo? Ke ba bakae ba lego botate fa? Phagamišang diatla tša lena. Ke ba bakae barwa ba lego fa? Phagamišang diatla tša lena. Go lokile. Bjale, leina la gago o mang? E sego tate, morwa, goba motho.

²⁰⁴ Mosadi o rile go nna nako ye nngwe, a bego a le modumelaboraro, o rile, “Ngwanešu Branham, eupša Moya wo Mokgethwa ke leina.”

²⁰⁵ Ke rile, “Moya wo Mokgethwa ga se leina. Moya wo Mokgethwa ke se O lego. Ona ke Moya wo Mokgethwa.” E sego leina; seo ke se O lego. Ke motho, eupša leina la ka ga se motho. Leina la ka ke William Branham. Kafao, ge eba A rile, “Eyang kagona, rutang ditshaba tšohle, ba kolobetšeng *Leineng* la Tate, le la Morwa, le la Moya wo Mokgethwa.”

²⁰⁶ Morago Petro, matšatsi a lesome moragorago, o rile, “Sokologang!” Bjale, fa, theetšang se.

Gomme ge ba kwele se, ba ile ba hlabega mo pelong tša bona, gomme ba rile go Petro le . . . baapostola ka moka, Banna le baena, re tla dira eng?

*Ka gona Petro o rile go bona, Sokologang, yo mongwe le yo mongwe wa lena, gomme le kolobetšwe *leineng* la Morena Jesu Kriste bakeng sa tebalelo ya tša lena dibe, gomme le tla amogela neo ya Moya wo Mokgethwa.*

²⁰⁷ Gona a Petro o dirile se Jesu a mmuditšego go se se dire? O be a se a hlakahlakana. Ke rena ba ba hlakahlakanego.

²⁰⁸ Go Ditiro 2:38, Bajuda ba kolobeditšwe Leineng la Morena Jesu Kriste, ka go karabetšwa.

Ka go Ditiro, tema ya 8, re hwetša gore Filipi o theogile gomme o reretše Basamaria, gomme o ba kolobeditše Leineng la Morena Jesu Kriste, Basamaria.

Ka go Ditiro 10:49, Petro o laetše Bantle go kolobetšwa Leineng la Morena Jesu Kriste.

²⁰⁹ Paulo, Ditiro 10:5, “O fetile go kgabola lebopo la tletlolo la Efeso, o hwetša barutiwa.” Ba be ba le barutiwa ba Baptist; ba be, yo mongwe le yo mongwe, Mabaptist. Ba be ba sokologile ka tlase ga moreri wa Baptist ka leina la—la, le a bona, Apollo. Gomme o be a le moreri wa Baptist, “Gomme o be a netefatša ka Beibele gore Jesu o be a le Kriste.”

Paulo o rile, “A le amogetše Moya wo Mokgethwa ge e sa le le dumetše?”

²¹⁰ Ba rile, “Ga re tsebe ge eba go na le Moya wo Mokgethwa wo o itšego.”

²¹¹ A re, “Gona le kolobeditšwe bjang?”

²¹² Ba rile, “Re kolobeditšwe ke monna wa go swana yoo a kolobeditšego Jesu, moleteng wa meetse tlase fale. Yeo e lokile go lekanel.”

²¹³ Paulo o rile, “Yeo e ka se šome bjale. Le swanetše go kolobetšwa, gapegape.” Gomme Paulo o ba laetše go kolobetšwa, gapegape, Leineng la Morena Jesu Kriste. O beile diatla go bona, gomme Moya wo Mokgethwa o tla go bona. Nneta. Ee, mohlomphegi.

Go tla ba Seetša nakong ya mantšiboa,
 Tsela ya Letago kgonthe le tla e hwetša;
 Ka tseleng ya meetse, seo ke Seetša lehono,
 O bolokilwe Leineng le bohlokwa la Jesu.
 Baswa le batšofe, sokologang dibeng tšohle tša
 lena,
 Moya wo Mokgethwa ka nnete o tla tsena ka
 gare;
 Seetša sa mantšiboa se tlie,
 Ke ntlha gore Modimo le Kriste ke Batee.

²¹⁴ Seo ke se Beibele e se boletšego. Yeo ke nnete. Ke iri, ke nako
 yeo re swanetšego go sokologa.

²¹⁵ Botša, goeletša ge o le komana, ka mogobeng. Gomme re
 tla . . . [Ngwanešu o re, “Re komana.”—Mor.] Le komana? Go
 lokile, go goga digaretene.

²¹⁶ Bjale, Morena a le šegofatše bjale, ge ngwanešu badiredi
 kolobetšo. A le kgona bohole go bona fa? [Ngwanešu Orman
 Neville o kolobetša badumedi—Mor.]



BAHEBERE, TEMA YA BOBEDI 2 NST57-0825E
(Hebrews, Chapter Two ²)
SERISI YA PUKU YA BAHEBERE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Agostose 25, 1957, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org